

Q. D. B. V.

DISPUTATIONEM
JURIS PUBLICI ET PRIVATI
DE
ENSIFERIS

SUB
PRÆSIDIO

DN. GEORGII ADAMI
STRUVII,

JCTI CONSUMMATISSIMI, SERE-
NISSIMORUM DUCUM SAXO-VINARIENSIIUM
CONSILIARII INTIMI, ILLUSTRISSIMI REGIMINIS AC CONSI-
STORII SAXO-JENENSIS PRÆSIDIS EMINENTISSIMI, FACUL-
TATIS JURIDICÆ ORDINARII, UT ET CURIÆ PROVINCIA-
LIS AC SCABINATUS ASSESSORIS PRIMARI
MERITISSIMI.

DN. PATRONI ET PROMOTORIS SUI
*SUMMO PIETATIS ET OBSERVANTIÆ CULTU ÆTERNUM
DEVENERANDI,*

IN
CELEBERRIMA HAC SALANA


publicæ disquisitioni exponet

IN AUDITORIO JCTORUM

ad d. Mart.

Autor


JOHANNES JACOBUS NICOLAI,
Dresd. Mîsn.



ENSIFERIS

DR. GEORGE ADAMI
STRAVILL

JOHANNES JACOBUS NICOLAI



I. N. D. N. J. C.

PRÆFAMEN.



Conveniēns scribendi argumen-
tum invenisse, magna aliās, ut
Gallicus ille Satyricus inquit, scri-
ptoris apud eruditos gloria est.
Sed ego ne in eligendā specimi-
nis cujusdam publici materiā

*Petrus Flr-
mianus in
Gyge Gall.
Diss. 12.
p. 17. f.*

diu diuque hærerem anxius, hanc de Ensiferis,
quam religiosissima in Seren. ac Potentiss. Elect.
Sax. Dominum meum Clementissimum, qui
Augustus Ensifer καὶ ἰζόχην vocatur, pietas, de-
votæ subiciebat menti, suscepi hilaris. Quip-
pe nec quicquam motus argumenti ipsius,
quod maximam partem in Illustri positos con-
cernit, magnitudine ac gravitate. Quamvis
enim neque sublimia atque Coelestia humili-
ter, neque splendida atque Illustria obscurè ac
sordidè, nec magna atque eximia jejunè vili-
terque explicanda sint, vel sola tamen, quæ ut

A

supre-

suprema in humanis lex me audentem fecit, humillima erga indulgentissimum Patriæ Patrem devotio, sterilitatem ingenii judiciiue defectum, ut spero, absolvet facile: Præsertim cum pulchrum quoque sit cadere præclara conatis. Tu itaque B. L. ubicunque Tibi ex asse non satisfactum sit, pro candore Tuo, ob temporis, quo per varia subinde itinera exclusus hucusque fui, rationem æqui bonive consule, memor insuper illius, quod non mortalitatis sit omnium habere memoriam, *l. 2. §. 14. C. de V. l. E.* & nemo possit naturam sic retinere, ut non peccet nihil, hoc enim proprium est solum Dei, *Nov. 33. c. 5. m.* Sed ne in immensum verborum flumen immergam calamum, accingam me ad rem ipsam, ardentissimis prius exuperantissimam Divini Bonitatem, sine cujus ope nihil auspiciari valemus *c. Principatus 25. c. 1. quæst. 1.* poscendo suspiriis, ne nostra hæc conamina felici successu beare dedignetur.

Th. I.

Nimirum sic naturâ comparatum deprehendimus, ut nec pulchrum quicquam nec fructuosum vel utile, esse possit deficiente ordine. Hoc enim militia vincit, procedit agricolatio, mercatura lucratur, atque omnes præterea artes & incrementa capiunt & consumantur. Neque in inferis tantum & iis, quæ ante pedes nostros sunt, illud spectatur, sed & ipsa pulcherrima Cœli machina dispositione rotatur planè admirabili, statosque & descriptos cursus

sus stellarum chori excedunt nunquam; Nec Elementa de-
 nique minus suâ inter se apta nexaque sunt collocatione,
 eaque quam diu durabit, non dissolvetur universi moles.
 Quod si igitur pleraque in quibus aliquid momenti positum
 est, negotia, nec ritè suscipi, nisi ordinis ratio præcipuè ha-
 beat, nec feliciter ac dextrè deponi possunt, summa & mi-
 hi ipsius cura erit. Unde primùm aggredior nomen. Nam
 licet, quia verba rebus sunt subiecta, non res verbis, l. 2. f.
C. commun. d. Legat. de rebus potius, quàm de verbis solli-
 citi esse debeamus. *Grædd. ad rubric. Tit. d. V. S.* & nominum
 disputatio pertinacibus relinquenda sit *Gail. l. 2. d. Pac. Publ.*
c. 1. n. 15. Attamen rerum intelligentiam à verborum intel-
 ligentiâ pendere dicit Divinus *Plato in Cratyl.* horumque
 intellectum verum res quasi in pictâ tabulâ subjicere & de-
 clarare asserit *Rogerius in Tract. d. Jur. interpr. quest. 2. pr. n. 1.*
 & vocabula rerum notas esse evincit *Philosophus lib. de interpr.*
c. 1. § 2. conf. Cubach. in Brocard. c. 20. pr. § seq. Henelius Tr.
d. Vet. J. C. c. 4. §. 5. seq. Aristoteles 3. Metaph. 2. § 2. To-
pic. 7. Everhard. in loc. Top. ab Etymol. n. 2. Vult. ad §. 2. d.
Legat.

Th. II.

Priusquam igitur ipsius rei penetralia lustrem, quæ cir-
 ca vocabulum occurrunt notanda, excutiam, summorum,
 qui in evolvendâ verborum laborarunt origine, Jctorum,
 premens vestigia. *Pauli* videlicet l. 2. §. 1. π. d. *Reb. Cred. Ul-*
piani l. 1. pr. π. d. J. § J. Pomponii l. 18. §. 1. § l. 239. §. 1. π.
d. V. S. Juliani l. 1. pr. π. ad L. Aquil. Florentini l. 4. §. 1. π. d.
stat. hom. ipsiusque Imperatoris in pr. J. d. Testam. §. 2. J. d.
Tut. § c. Adhæc ambiguitas ad instar prædicti *Ulpiani in*
l. 1. pr. π. d. R. C. cæterorumque Jctorum in Tit. d. V. S. nec
 minus identitas appellationis erit exhibenda, ne fortè nomi-
 num ac rerum fœda invicem fiat confusio annotante *Justi-*
niano in l. 5. C. d. Leg. Tut.

Th. III.

Etymologia autem trivialis ac satis nota est, ideoque obi- *Etymolo-*
 A 2 *gia.*

ter saltem attingenda. Descendit enim vox Ensifer, quæ aliàs ut Epitheton Orionis est apud Ovid. l. 2. d. Arte.

Ensifer Orion aspiciendus.

Synonymia.

A ferendo & Ense, qui Græcis $\xi\iota\phi\omicron\varsigma$ vel $\mu\delta\chi\alpha\iota\tau\alpha$, Gall. épée, Ital. Spada, Hisp. espada dicitur, & Synonymicè Latinis mucro vocatur vel gladius. v. Buchn. Lex. in vocab. Ensis. Hinc Logicis instar identicæ est propositionis: Ensis est gladius. Et licet alii diversum sentiant, iis tamen, qui enssem tantum ferum, gladium autem totum credunt, non adeò reluctor, non nesciens nomina significandarum rerum gratiâ reperta, quæ si alio quolibet modo intelligantur, nihil interest, maxime dum Synecdoche tutus, quæ licitum partem pro toto ponere.

Th. IV.

Homonymia.

Cæterum gladius vel ensis, non uno accipitur modo. Præterquam enim, quod sensu vulgatissimo illud denotat ferrum, quo quis in præliis utitur, ideoque belli dicitur, Balduin. Cas. Conscient. l. 4. cap. 12. Cas. 7. pr. & inter arma refertur. l. 41. d. V. S. l. 3. §. armis. π. d. vi §. vi armat. non solum tropicè pro verbo Dei Ephes. 6. v. 17. & dictis accipitur ap. Cicer. pro Cecina. & Terent. in Adelph. sed etiam Juridicè varia significat. Quippe ex eo quod summi Imperii insigne esset, teste Xiphilino in Trajano Tacit. 3. bist. 68. Plutarch. qq. Roman. Herod. l. 3. Grot. lib. 1. d. J. B. §. P. c. 4. n. 16. simul importat potestatem, & primariò usurpatur, pro ipso mero Imperio. l. 70. π. d. Reg. Jur. Quo respexit etiam Lucanus, qui l. 5. v. 61. de Ptolomæo Ægypti Rege ita canit:

--- *seuunque in populos puer accipit enssem*

Et Stat. 5. sylv. in protreptico Crispini 112.

--- *En ingens referat tibi lumen bonorum*

Cæsar, & Ausonii committit munia ferri.

Vade puer, tantisque enixus suffice donis,

Felix qui magno jam nunc sub Præsede juris

Cuique sacer primum tradit Germanicus enssem.

Ubi

Ubi præsidatum alii provinciæ, aut Prætorii præfecturam, alii verò sacri curam cubiculi per ensẽm significari defudant. vid. *Turneb. lib. 12. c. 6. Petr. Fabrum lib. 1. Semestr. c. 3. Statio- nosque insuper interpretes Morellum atque Crocæum ad d. l. 5. sylv. Carm. 2. sub fin.*

Th. V.

Hinc in liberâ quoque Rep. notante *Appiano l. 3. de bellis Civil.* Imperatori belli aleam jacturo ensis à Consule dari consuevit. Quin imò ex istâ clarius hæc patent ratione, quod Merum ut vocatur Imperium, definitur habere gladii potestatem in facinorosos animadvertendi. *l. 3. π. d. Jurisd. conf. ad h. l. post Jacobum Gothofredum Brunnem. n. 1. & Busius n. 2. Item l. 8. §. 1. π. d. pæn. l. 6. §. 8. π. d. off. Præsid. l. 6. π. d. interd. & releg. l. 1. ne sine jussu Princ. in C. Theod. & l. 74. d. decurion. in eod. C. Cujac. 21. observ. 30.* Et hoc vel ideo factum, quia maximè cernitur Merum Imperium in pœnis animam hominis adimentibus, & gladius q. s. factus, ut gulam, dividat: i. e. cervicem defecet. Cætera enim membra securibus cædunt, collum tantum gladio. *Isid. Orig. l. 17. c. 6.* adeoque ut à potiori sumatur denominatio, vel latè, ut ad cæteras quoque pœnas extendatur.

Th. VI.

Deinde Ensis vel generaliter in Jure nostro accipitur pro quâlibet criminis coercitione certâ & definitâ, Civili aut criminali, pecuniariâ aut corporali. *Scipio Gentil. lib. 3. de Jurisd. c. 3.* Vel specialiter omne ultimum supplicium includit *l. 5. Cod. ad L. Jul. maj. l. 31. C. ad L. Jul. d. adult.* Vel specialissimè denique sumitur pro pœnâ speciali, quæ perficitur gladio. *l. pen. Cod. d. his qui accus. non poss. Cujac. l. 1. q. 9. Papin. in. l. 1. d. off. ejus cui mand. p. 14. B.*

Th. VII.

Antequam nunc videamus, qui gladii gestandi potestatem concedant, sciendum est, Ensiferum esse eum, cui competit jus debite ensẽm ferendi vel propter superioritatem, dignitatem, officium aut necessitatem in loco & tempo-

Definitio.

*Causa eff-
ciens.*

re comprobato. Et quidem cum potestas gerendi gladii non modo Jure Divino *Rom. 13. v. 4.* sed etiam Jure Gentium à multis jam seculis inter tot populos summarum Potestatum certissimum fuerit signum *Suet. in Galbâ c. 8.* ac pars, adeò ut regna etiam per gladium in investiturâ collata sint *Otto Frisingensis l. 2. c. 2.* in promptu est colligere, non nisi illis, qui summum habent imperium, facultatem concedendi gestationem gladii competere. Nempe in Monarchia uni, in Aristocratia Optimatibus, in Oligarchia divitibus, in Politia universo populo, in Democratia plebi. Hinc primitus apud Principem terrarum populum, cum teste Livio tanti habitâ fuisset potestas gladii, ut nunquam jure Magistratus in quenquam translata sit, *l. 1. π. de offic. ejus cui mand. c. jurisdict. ibique Hahn. 3. n. 3.* sed penes Majestatem insolidum semper, resederit, *l. 2. π. d. Orig. Jur. §. 14. 16. 18. §. 23.* Magistratibus non licuit potestatem gestandi gladium permittere *l. 54. de R. J.* non magis, quàm sibi potuerunt summam potestatem arrogare.

Th. VIII.

Nolim tamen hic cum iis facere, qui ex hoc, quod in antiquâ Rep. Rom. non fuit permîssum Magistratibus gestandi gladii jus aliis largiri, inferunt, nec Statibus Imperii plus tribuendum. Cum enim Germaniæ proceres mutato Imperii statu longe differant à Magistratibus, *Job. Herman. Stam. l. 3. d. servitut. person. c. 10. Henning. Gæden. Consil. 32. num. 20. §. 21.* ideo à diversis diversimodè quoque conjiciendum; & omnino probandum quod *Hahnus ad Wesenb. Tit. d. Offic. ej. cui mand. est. jurisd.* asserit, absurdum esse nostris temporibus dicere: Principes Imperii isto sensu Magistratus esse. Quippe translato ad Germanos Imperio ipsa regalia communicari, *Paumeister. d. Jurisd. l. 1. c. 4.* ac Imperii Statibus non jure Magistratus, sed jure superioritatis perpetuo ac hæredario cum nomine Ducum, Marchionum, Comitum, &c. concedi irrevocabiliter cœperunt. *Stuckius disp. Acad. 1. th. 44.* ut scilicet eo fortius se gererent, si scirent, quicquid ab hostibus detraheretur sibi perituum. *Vultej. d. 1. Feud. 1. v. omnino. Arnif.*

Arnif. 2. relect. Pol. c. 3. §. 5. n. 18. & c. 6. §. 5. n. 124. Lehm. Chron. Spir. l. 4. c. 1. Anton. Coler. de Jure Imper. Rom. tb. 958. Besold. part. 1. d. jur. publ. c. 4. p. 123. Keckerman. disp. polit. ult. tb. 12. It. Andr. Knich. tr. d. superiorit. & regali territor. jur. c. 1. n. 192. Molin. in consuet. Paris. tit. 1. d. mater. feud. §. 1. & Bachov. ad Treutl. 1. disp. 23. tb. 1. lit. C. Ernest. Cothmannus §. respons. 1. n. 51.

Th. IX.

Cognitis iis, qui potestate concedendi ensen gaudent, nunc ad hos, qui tale jus ab illis impetrarunt. Et olim quidem in Rep. Rom. ab initio, quando reges caesarum capitalium cognitiones exercuerunt, nullis Magistratibus; subsequenti autem tempore, cum merum Imperium aliquibus esset concessum, (quales Praefectus Urbis, Praefectus Praetorio, Proconsul & Praeses provinciarum fuerunt, l. 1. d. Off. ej. cui. l. 2. π. d. in jus vocand. si quid erit l. 1. π. d. Offic. Procons.), his demum licuit habere gladium, Dempferus l. 10. paralip. c. 5. per tot. Scip. Gent. l. 1. de Jurisd. c. 5. & l. 3. c. 3. Pancirol. in Notit. Imp. l. 1. c. 7. quia insigne fuit Magistratus publicum, judicium exercentis; sicut hasta Praetoris urbani privatim, judicium exercentis. Rosin. Antiq. Rom. l. 4. c. 18. Camer. hor. subcis. cent. 1. c. 76. p. 346. Quod & significantissime Godofr. Vieterbiensis part. 19. Chron. ita demonstrat:

Judicii signum gladius monstrare videtur

Quo malefactorum feritas cessare jubetur

Ut latro frustetur, rex tenet arma secum.

Praecipitur gladius vibratus semper haberi

Puniat ut subito, potuit quod culpa mereri

Nam si tardus erit, pax viduata perit.

Unde ex hoc insimul apparet lucidissime, quare Consulibus quondam non secures, sed virgarum fasces duodecim, à lictoribus fuerint praelati, Briss. 3. select. antiquit. 14. Gothofr. ad l. 1. §. 5. π. d. postul. Dictatori verò, penes quem major erat potestas, duae secures. Forsterus hist. Jur. civ. l. 1. c. 17. n. 12. quia sc. Consulibus non Merum s. potestas gladii, ut

Dicta-

Dictatori fuit, Nam non potuerunt in caput civis Romani animadvertere *d. l. 2. §. 23. π. d. Orig. Jur. l. 14. §. 2. d. interd. & releg.*

Th. X.

Quod autem dictum Magistratus, quibus concessa potestas gladii, gladios habuisse, cum grano salis accipiendum autumo. Quippe non omnes indistinctè cingulo fuere cincti, sed militares tantum, velut Imperatores Duces, Tribuni &c. quo spectat illud *Martialis l. 14. Epigr. 32.*

Militiæ decus hoc est, grati nomen honoris

Arma Tribunitium cingere digna latrus.

Et quibus inter Civiles Augustus illud speciatim concesserat, uti asserit *P. Faber ad l. 70. de R. J. & 1. semestr. c. 3. ex Dione l. 3.* Cum itaque ne omnibus quidem indifferenter Magistratibus licuerit gladiis uti, multò minùs privati gladium gestare sunt ausi. *l. 3. §. 1. π. ad L. Jul. d. vi public.* Sed paucula hæc ob propositam dissertationis intra angustos cogendæ cancellos brevitate de veteri R. Imperio sufficiant.

Th. XI.

Nunc ad mores hodiernos veniendum. Et primum quidem omnium hic non tam ratione officii, quàm ob solam dignitatis præminentiam gladii gestandi jus habent illi, quibus competunt Jura superioritatis, nempe omnes personæ seculares Principali dignitate præfulgentes: ut Duces, Marchiones, Comites, Barones, &c. *Reinking. d. Regim. secul. & Ecclæs. l. 1. class. 4. c. 16. pr.* Neque enim hic obstat, quod Decianus de Comitibus & Baronibus Siciliæ contrarium asserit. *tr. Crim. c. 3. n. 17.* Cum regnum istud jamdudum Imperio ademptum sit. v. de eo *Münster. Cosmograph. de Italia c. 73. & Crus. Ann. Suevic. l. 2. part. 3. c. 19.*

Th. XII.

Hic religioso satius erit venerari silentio, quàm minùs concinnè jejunèque dicere, quod Sereniss. ac Potentiss. Elector Saxoniz, Dominus meus Clementissimus, in Comitibus & processionibus Imperialibus medius inter Imperatorem & Archiepiscopum Trevirensensem nudatum ac strictum ante Imperato-

ratorem immediatè præfert ensem. *A. B. c. 22. § 26. §. 3. Herm. Herm. Fasc. J. P. c. 24. n. 1. Limn. T. 1. J. P. l. 3. c. 10. n. 28. § ad A. B. c. 22. observ. 3. Lampad. in Politischen Reichs-Handeln Artic. 12. Bæcler. Notit. Imper. c. 11. Schütz. Colleg. Jur. Publ. Exerc. 1. th. 22. Not. Metter. contin. in Goronat. Cæs. Matthia A. 1612. p. m. 7. in symbolum scilicet peculiaris Majestatis Limn. T. 1. Jur. P. l. 3. c. 10. n. 18. vel justitiæ ut vult Carpz. ad Leg. Reg. c. 11. sect. 10. n. 26. conf. Herm. Herm. Fasc. J. P. d. l. ut fontibus terrori & Bonis præsidio sit. Camer. bor. succ. Cent. 1. c. 76. fermè ad exemplum, ut pulcherrime Magnif. DN. Ziegl. in diss. d. singulari Ser. Electoris Sax. eminentia docet. § Clut. in Syllog. th. 24. lit. M. in fin. Præfetti Prætorii, à quo Veteribus etiam Imperatoribus in munimentum sui, si rectè agerent, sint aliter in eos magis, quemadmodum dignissima Majestate Trajani vox habet, in paneg. Plin. prælatus fuit ensis; cujus vicem spata Caroli M. tempore obtinuisse legitur. Turpin. in vit. Carol. Arum. disc. 6. ad A. B. th. 49.*

Th. XIII.

Est enim Archimarschallus Imperii. *A. B. c. 5. n. 2. Rumel. ad A. B. 2. 4. 9. § 3. 5. 17. add. Limn. T. 3. J. P. c. 10. n. 19. quod officium dignitatis honore inter secularia in Imperio supremum Lehm. Chron. Spir. l. 2. c. 13. efficit, ut in expeditionibus cæteris Principibus præferatur, Strauch. diss. Jur. Publ. th. 11. cum quasi primarius Campi Marschallus sit vice Cæsaris, Scharschm. Syst. J. P. R. G. c. 22. §. 1. § ad Schütz. Coll. J. P. eperic. 7. th. 23. lit. L. Unde non solum nomen Protospatrii obtinet. Crus. hist. Suev. part. 2. l. 1. c. 6. p. 221. Sed & insignia habet gladios decussatim compositos, de quibus Alb. in Meissn. Chron. 4. 16. p. 435. ita scribit: Der Thur-Sachsen Wapen ist eine Bahn / so oben schwarz und unten weiß / darinnen zwey rothe Schwerdter überschrencket / hiervon ist in den alten Reimen:*

Zwey Schwerde das Marschall-Ampt bedeuten/
Die Wendischen Heyden auszureuten,

Conf. Scharschm. d. syst. J. P. c. 22. n. 5. f. Quorum unum,
tamen munus Electorale designare credit *Limn. T. 1. J. P. l.*
3. c. 10. n. 29. Alterum fortassis tesseram, de qua Krichen de
Saxon. non provoc. jur. verb. Electorum. c. 1. n. 169.

Th. XIV.

De cætero testatur Richardus in gestis Philippi III. filii Ludovici Sancti & ex eodem Louys d'orleans es ouvertures des Parlemens chap. 17. p. 225. nomen hujus Ensis Imperialis, (de quo præter Excellentissimum DN. Beckmannum, Polyhistorum illum famigeratissimum Preceptorem quondam & Patronum meum nunquam non suspiciendum in elaboratissimo opere suo, quod notitiam dignitatum Illustrium inscripsit. Dissert. 4. c. 4. pr. & n. 5. vid. Arum. dis. 6. ad A. B. tb. 30. Hopping. d. insignium s. armorum prisco & novo jure c. 2. §. 7. sett. 2. membr. 2. tit. 3. n. 827. & seq. p. 145. & seq. & Limn. T. 1. J. P. l. 2. c. 4. n. 20. ac T. 5. in addit. ad d. c. 4. n. 20.) moremque eundem præferendi à tempore Caroli M. cœpisse. Hæc enim ipsius verba Richardi sunt: Quoniam à tempore Caroli M. Regis Franciæ & Imperatoris Romanarum, consueverunt Reges Franciæ Jocosam Spatam prædicti Caroli Regis & Imperatoris & in die coronationis suæ, dum celebratur prædictæ coronationis officium, in memoriam tam victoriosissimi Principis, à quodam de nobilioribus ante se facere teneri & deferri. Quò collimare etiam videtur le Sieur de Bonair en son discours sur la conjointure presente des Affaires d'Allemagne p. 47. quando Electores scribit in actu coronationis, Regi Rom. præsentare l'épée de Charle magne toute nue que les Allemans disent avoir été apportée a ce Prince pas un Ange, ors qu'il entreprit la guerre contre les Saxon. Elle n'est par de la taille ny de la façon de celle, qu'on garde dans le tresor S. Denys. Sed an hic rectè dicatur Caroli M. ensis inquisivit *Limn. T. 5. J. P. in addit. ad l. 3. c. 10. n. 28.* absque decisione tamen, allatis tantum diversis opinionibus, quarum utraque ut vera, ita & falsa esse possit.

Th. XV.

Licet autem summum hoc Archimarschallatus Imperii officium non uni semper conceditum fuisse exinde conjicere

cere velit *Limn. ad A. B. c. 22. Observat. 3.* quod non modo teste *Frising. l. 7. hist. c. 19.* Lotharius Imperator Regem Daciæ in signum subjectionis ad decorem Imperialis reverentiæ gladium sibi sub corona deferre fecerit ; & Philippi Suevi tempore Bohemiæ gladii regalis bajulum fuisse scribat *Arnold. Lubec. l. 6. Chronic. Stavort. c. 2.* Sed etiam ex *Dintero lib. 6. c. 17. Chiffetius in comment. Lothariensi c. 23. p. 98.* referat in coronatione Wenceslai Regis Rom. Rudolpho Sax. Duci S. R. I. Archimarschallo de prælatione gladii quæstionem movisse Ducem Luxemburgensem , rectius tamen idem his factis Saxonis Juri in *A. B. c. 22.* atque communi observantiæ fundato nihil præjudicari potuisse statuit. *T. 5. J. P. in addit. ad l. 3. c. 10. n. 28.* conf. antea citatus *Magnif. DN. Ziegl. in d. diss. d. sing. Ser. Elect. Sax. emin. & præter Herm. Herm. Fasc. l. P. c. 24 n. 2. Hartm. Maurude Coron. Caroli V.* Ubi cum in ingressu Caroli V. Anno 1520. in Aquisgranum Saxonici similiter Julienses ob territorii proprietatem equitatu suo præcedere vellent , neque per Cæsarem negotium expediri posset , usque dum Juliensis Dux prorumperet , Saxonici , ne viderentur juri suo aliquid detraxisse ultra quadrantem horæ Regem ordinesque detinentes tandem omnem comitatum in civitatem introduxerunt.

Th. XVI.

Possemus jam quoque antequam ad Vicarium prælaudatissimi Electoris Sax. hæreditarium transeamus , pluribus ostendere , quod itidem Gallicarum Regi , civitatem , ubi Parliamentaria sedes est , ingredienti Comes stabuli (conneftable) equitans gladium evaginatum dextrâ manu præfert , nec minus idem Comes Justitiæ thronum ascendenti vel generalibus regni comitiis præfidenti regi assideat ante eum ad dextram eundem gladium evaginatum tenens , *Limn. Notit. Regn. Franc. l. 2. c. 26. lit. F. p. 1010.* Sed promissa dissertationis brevitatis in domestica potius exempla intentum monet , ut neque hujus ullam ampliùs mentionem faciam ; neque prolixus sim in rationibus investigandis ; Cur Venetiis in processione solenni Ensis non ante sed post Ducem feratur ,

illegue non nudus, sed in vaginâ reconditus sit? cum illud, ut innotescat usum gladii & auctoritatem dependere ab iis, qui Ducem sequuntur (Senatores sc. & Optimates Reip.) fieri his verbis ostendat. *Pierre Matthieu liv. 3. de l'histoire de Louis XI. p. 162.* C'est pour monstrier, que l'usage de l'épée & l'autorité depend de ceux, qui le suivent. Quin imò silentii velo planè involvo. Electoribus ad Regis Rom. electionem se conferentibus non modò extra Ecclesiam, verùm etiam in illa gladios quoque præferri; quia illud ex descriptione actuum istorum lucidissimè patet: Ita enim Anno 1562. Als die Chur-Fürsten aus Ihren Herbergen auff den Römer geritten / hat sich ieglicher derselben sein Chur-Schwerdt in der Scheiden vorsehren lassen/ und darauff nachgeritten. *Goldsch. part. 1. Politischer Reichs-Handel in descript electionis Maximiliani II. c. 8. p. 66.* und hernach hat ein ieder sein Chur-Schwerdt vor sich gehabt *2c. p. 67.* Et in descriptione Electionis Matthie. d. part. 1. annot. In der Kirchen erschienen vor dem Altar die Chur-Fürsten / den End vor der Wahl zu præstiren/da ein ieder derselben seinen Marschall mit dem Schwerdt in der Scheiden fürgehend gehabt / dem Brandenburgischen Gesandten aber ist kein Schwerdt vorgetragen worden. *conf. Metter. contin. in ead. Elect. Caf. Matth. A. 1612. p. 6.*

Th. XVII.

Quare recto tramite ad ipsum hæreditarium Imperii Mareschallum, Cujus officia ac jura explicant pluribus ex *Sixto Sommero Carpz. ad L. R. c. 10. seit. 6. num. 28. & Limn. T. 5. f. P. in addit. ad l. 3. c. 7. num. 75. p. 177.* Item *Schutz. Coll. I. P. disput. 10. thes. 11. per tot. propero.* Perinde enim ut subtrahito terris fulgentissimo Solis jubare Luna mutuatitio lumine suo in vicem quasi succedit præ reliquis stellis; Ita etiam absente in solennibus Imperii actibus Seren. ac Potent. Electore Vicarius ipsius Ensiser Illustrissimus Comes de Pappenheim præ omnibus aliis prærogativam Imperatori gladium præferendi habet. Quippe, cum non minor Vicariorum & Subofficiariorum Imperii dignitas sit *Carpz. l. c. n. 16.* quæ & privilegia sua reditusque certos habet an-

nexos

nexos in in *A. B. c. 27. n. 6.* nec non specialiter confirmatos in Capitulatione. *Carpz. d. c. 10. pr. n. 15. Cubach. ap. Arum. Vol. 2. disc. 35. c. 27. n. 10. seq. Freher. ad Andlo. 2. c. 15. Lehm. 7. Chron. Spir. c. 124. §. Wo aber aus ic. Limn. 3. I. P. c. 7. n. 73. Arum. d. Comit. c. 6. n. 45. Schutz. Coll. I. P. d. 7. th. 45. l. A. & B. hinc ortâ inter absentium Electorum Legatos, & Vicarios super administratione dictorum Illustrium officiorum controversiâ, pro Vicariis observantiâ decusum putat. *Carpzovius d. c. 10. sect. 6. n. 18. § 19.* Ubi non modo in Coronatione *Caroli V. Anno 1520.* Subpincernam Baronem de Limpurg adversus Regis Boh. legatum obtinuisse ex Goldasto, sed ex Mauro quoque Sub-Mareschallum de Pappenheim Principi Anhaltino Friderici Electoris Legato prælatum refert, idemque in Coronatione Matthiæ non Ferdinandi II. & Ferdinandi III. Impp. observatum esse. Quin imo *A. Bulla l. c. Electoribus absentibus expressè subofficiales, nullâ Legatorum mentione factâ, surrogat.**

Th. XVIII.

Neque minùs certum est Curiz vel Aulæ Mareschallum, Pappenheimio quoque cedere; & non nisi hujus absentis officio ab Imperatore præponi. *Limn ad A. B. c. 27. §. 1. observ. 10. & c. 29. §. 3. § 4. Schutz. Coll. I. P. d. 7. th. 25. l. A. Arum. d. Comit. c. 6. n. 46. § 51. Rumel. ad A. B. part. 3. d. 4. thes. 23.* Licet enim aliquando Aulæ Cæsareæ ministri subofficiales Imperii hæreditarios & imprimis Pappenheimium speciosis distinctionibus excludere tentaverint, ut in funere Ferdinandi A. 1565. *Limn. T. 1. I. P. l. 3. c. 7. n. 75. v. Beverab. nesci ic.* pro his tamen iterum expressæ Imperatorum declarationes latæ sunt. Ann. 1566. & Ann. 1593. Quibus insuper accedit ipsa subordinationis natura, & exinde subsecuta consuetudo non interrupta; ut pluribus docet. *Limn. l. c. §. Denn / daß Sie ic. conf. Discurs. ap. Besold. de prerog. sess. c. ult. n. 4. Arum. d. Comit. c. 6. n. 44. seq. Imò Capit. Ferdin. II. §. 41. Ferdin. III. his ita decisa est, ne aliter, quàm certis in casibus Officiales Imperatoris in hæreditariorum Imperii subofficialium vices substituantur.*

Ad eos qui ob dignitatem Jus gladiatorum ferendorum habent, referuntur quoque Equites, qui cum gladio investiantur eoque cinguntur, tam in testimonium operæ strenuæ præstitæ, quam ad rem impofterum fortiter gerendam. *Decianus tract. Crim. l. 1. c. 3. n. 40. § 42.* His accensentur & Nobiles, qui, cum milites sint & Vasalli, prompti semper, cum gladiis suis esse debent. *Guid. Pap. decis. 384. in addit. l. B. Bon. de Curtil. tr. Nobilit. part. 3. n. 58.* & periclitantur superiori succurrere. *P. Berlin. de re militar. p. 2. tit. 3. conf. Phil. Honorius de relat. de regn. Gall. & Cl. Sefellius de Regn. Gall. l. 1.* Hinc est, quod vocentur die Ritterschafft / & Jure Sax. maribus hæredibus res expeditorum das Heergewette / præcipuè assignentur. *Wesenb. parat. de suppellect. legat. n. 4.* non obstante, quod *Menoch. 4. præsumpt. 160. n. 22.* arma J. Civ. in suppellectili esse neget per *l. 3. §. 2. π. de Suppellect. leg.*

Th. XX.

Quamvis autem dignitatem hanc fundamenti instar Virtus militaris generisque prærogativa ceu tradux ejus & propago conciliet, inde tamen malè segregantur novi nobiles, qui egregiis factis ultra vulgi se provexerunt subfellia; dum complures pro nobilitate virtute comparatâ pugnant rationes, quas disertè edisserit *Autor du Catechisme Royal imprimee à l'An. 1645. p. 46. § seq.* Ibi: Nous voyons souvent, cette Noblesse naissante, qui s'est fait elle même par sa propre vertu, ressembler à ces maisons neuves, dont les avenues sont belles & bien allignées, & dont la vetie & la demeure est plus riante & plus commode que celle de ces vieux châteaux negligez, qui sentent la rance & le reclus, & qui sont decheus avec le tems par la faineantise des possesseurs de cette première beauté, qu'ils avoient &c. Equidem non de nihilo, singulare quippiam in antiqua nobilitate notari, omninò reor. Quippe si nobilitas nova potentis publicæ opus est, antiqua potentis hujus & temporis simul filia erit. Hinc quod *Claudius Sefellius* in aureo de Rep. Gallicâ libello è ratione statûs Gallici, qualis tûm fuit, fore existimat,

mat, si præ aliis, summis dignitatibus Nobiles iisdem digni
& rebus agendis pares admoveantur. Sic ad Torneamenta
celeberrimos istos, quos primi Germanorum Imperatores
instituerunt, equestres ludos admittebatur nemo, nisi qui
incorruptam majorum Nobilitatem ex quatuor minimum
avis paternis & maternis, omnique præterea vacuam probro
ac dedecore vitam prius Judicibus approbasset. *Buch. Orat.*
10. p. 269. Et hodiernum in Gallia Equites S. Spiritus No-
bilem patrem avum & abavum numerare tenentur. Nec Ca-
nonici Cathedralis officio potiuntur nisi avitâ nobilitate
gloriosi. Sed hæc tantum plus splendoris in majorum no-
bilitate reperiri, non verò Nobiles novos pro nullis ha-
bendos esse evincunt, cum substantia rei in singulis omni-
nò eadem sit, & propriè sua quemque Virtus verè nobilitet.
Imò majoris quasi Virtutis opus sit, generi suo lumen Nobi-
litis accendere, quàm acceptam à majoribus conservare.
Inde enim, disertissimus ille Romuli nepotum, quod omnia
incrementa sua sibi debuerit, novitatis nobilissimæ vir di-
citur. *Vellej. Paterc. l. 2. c. 34. n. 3.*

Th. XXI.

Neque ignotum est, quod apud Augustum, maximum
illum omnis ævi ac gloriosissimum Principem, M. Agrippæ
& Statilio Tauro novitas familiæ minimè obstitit, quo mi-
nus ad multiplices Consulatus triumphosque & complura
eniteretur sacerdotia. *Id. l. 2. c. 127. n. 1.* Quin inveteratus
plane ac perpetuus Romanorum mos fuit putandi; quod
optimum sit, esse nobilissimum. Nam & illi antiqui ante
bellum Punicum primum T. Coruncanium, hominem no-
vum tum aliis omnibus honoribus, tum Pontificatu etiam
maximo ad Principale extulere fastigium, & post equestri
loco natum Sp. Carvilius mox M. Catonem novum etiam,
Tusculo, urbis inquilinum, Mummiūque Achaicum in
Consulatus, Censuras, & triumphos provexere. Et qui C.
Marius ignotæ originis; usque ad sextum Consulatum sine
dubitatione Romani nominis habuere Principem; qui que
nihil Asinio Pollioni negaverunt, quod nobilissimis summo
cum.

cum sudore consequendum foret, profectò hoc senserunt; in cujuscunque animo Virtus inesset, ei plurimum esse tribuendum. Nec defuit his argumentis, quæ ut palmaria, in conferendis dignitatibus, laudat *Lips. 3. Polit. 10.* eventus felicitas & salus publica, quam ingentem modo dictis novis hominibus Romani debent, adeò ut ubique hi tales viri memorentur, veluti divinitus publicæ salutis custodes & autores dati. v. *Tac. 11. A. 24.* Utri verò præstantiores sint habendi; novi homines, qui ex se inclaruere, aut qui vetustæ nobilitatis stimulis & instrumento usi claritudinem conservare, neque dijudicatu adeò facile est, neque nostrum hoc loco est inquirere; videri tamen de illa quæstione potest, *Osfrius l. 2. de Nob. Civ.*

Th. XXII.

Nos enim properamus & velut ex diverticulo redeuntibus dicimus, quod etiam ob dignitatem Virtute civili partam, aliqui gladio, tanquam honorum insigni, utantur. Ut primo Doctores. *Coll. Argent. ad L. Jul. d. vi publ. th. 3.* & alleg. *ibid. arg. l. ult. C. de præpos. S. Cubic. lib. 12.* (quod argumentum usurpant *Limn. l. 8. J. P. c. 1. n. 119. Walther d. privileg. DD. c. 15. quest. 62. p. 282.*) Equiparantur enim, quia scientiâ illorum illustratur mundus, *Auth. habita, ne filius pro patre.* passim Nobilibus *l. 7. Sibi Pac. in Analys. C. de postul. conf. R. N. zu Augsburg A. 1500. sub Tit. von Ueberflüssigkeit der Kleider. §. Item die von Adel/ so noch nicht Ritter oder Doctores sind/ junct. §. præced. & seq. It. Reformirt gute Policy-Ordnung A. 1530. sub rubr. vom Adel/ & sub Tit. von Doctorn. & reformat. A. 1548. sub iisd. rubr. & non tantum sine speciali Imperatoris permissione alia nobilium insignia adhibent. *Nolden. tract. de stat. nobil. th. 38.* sed etiam in Cam. Imp. Spirensi, ubi dimidia pars assessorum est ex ordine Equestri, loco nobilium admittuntur *Ordin. Cam. part. 3. §.* Desgleichen sollen re. atque in eadem paribus stipendiis cum nobilibus fruuntur. *Ord. Cam. p. 1. tit. 43.* Imo ex communi sententiâ, qui per viginti annos Jura publicè docuerunt, Illustribus annumerantur & comitivam meruerunt. *l. un. C. de Profess. qui in urb.**

Con-

Constant. ibique Cujac. conf. Bart. rubr. procm. π. n. 5. Jas. in l. 1. n. 12. de offic. ejus cui mand. est jurisd. Sagittar. d. Comitib. Palat. th. 6. § 7. B. Limn. l. 8. l. P. c. 3. n. 41. Mund. d. Comit. Palat. c. 3. n. 220. Crull. in collat. prist. & moderni Acad. statuts n. 23. seq. Lym. in annot. ad Capitul. Ferd. III. 47. p. 791. Hefemb. 1. Conf. 40. n. 50. prout hanc communem esse testatur Arum. 3. disc. Acad. 18. th. 29. Vol. 2. del. publ. disc. 4. Menoch. de Arbitr. Jud. Cent. 1. cas. 68. n. 43. nec restringenda, d. l. un. tantum ad Professores Urbis Constantin. cum ratio legis generalis sit. Benius de privil. Jurec. p. 14. Bulla disc. 1. p. 98. Licet Moditius in §. 8. J. d. J. N. G. § C. dub. 17. n. 9. ad ordinarias lectiones extra Institutiones hoc restringat.

Th. XXII.

Hinc videtur nata consuetudo quarundam Academicarum, ubi Doctores in ipsa promotione gladiis cinguntur, vel iisdem, ut in hac Inclutâ Salanâ accincti promoventur. Sunt autem tres distincti gradus. Primus Baccalaureorum, qui à Baccalaurea nomen accepisse videtur, ordinique scholastico proximior quàm Doctorum. Secundus est Licentiariorum, qui insignia nondum susceperunt, electi tamen & auctorati sunt: inque favorabilibus actibus Doctorum loco habentur, arg. l. pen. π. d. Testam. mil. conf. Nold. d. tr. th. 27. Matth. Steph. l. 3. de Jurisd. part. 2. c. 14. n. 96. Idcirco ipsis quoque hæc facultas est, & in Academicis quibusdam permisum accincto gladio disputationem inauguralem defendere: Non obstante l. un. C. ut armorum usus, quam Tiraquell. c. 20. de Nobil. n. 69. objicit, quia ista lex non de causariâ & honorariâ; sed tumultuariâ ac temerariâ gladiatorum gestatione loquitur. Minus verò contrariatur l. ult. C. prepos. S. Cubic. præterquam enim quod ea de diverso planè agit subiecto, cinguli quoque gestatio aliorum spectat.

Th. XXIV.

Hic præferri debebant Consiliarii Principum, Assessores, Legati &c. quos illustris vocat Angel. in l. 5. C. ad L. Jul. Majest. Jas. in l. 13. D. d. offic. ej. cui m. est. jur. Corfet. d. reg. potest. quest. 21. fac. text. in l. 1. ibi quos nostri lateris comi-

C

tatus

tatus illustrat, *C. d. præpos. v. tamen Menoch. 2. arbit. cas. 68. n. 35.* Censentur enim pars corporis Principalis esse l. 5. *C. ad L. Iul. Majest. & cum ipso Principe unum quasi corpus constituere, Hieron. Gig. tr. de crim. les. Maj. sub rubr. qual. & à quib. crim. les. Maj. committ. q. 14.* Dicuntur itidem Patres & amici Principum §. 4. l. quib. mod. part. potest. solvit. l. 4. *C. d. jur. & fact. ignoc.* ipsisque inhaerere sicut stellæ firmamento *Bald. in l. 7. d. bon. quæ lib. in pot. const. ex. matr.* Vel Principes ita decorare reputantur, prout decorat, splendor, firmamentum Cœli arg. c. super specula x. d. Magistr. & sicut, radii solares solem c. multi de pœnit. dist. 2. conf. *Ludolph. Schrader d. Feud. part. 10. sect. 2. n. 24.* Neque minus eò spectant Advocati & Procuratores Principum, majorumque Curiarum, quia in privilegiis cum Consiliariis comparari solent, *Peck. d. jur. sistendi c. 5. n. 81. per l. 14. C. d. Advoc. divers. judic. conf. Wesenb. parat. D. de Procur. n. 10.*

Th. XXV.

Nunc ordo tangit Medicos, quibus, si Principum Medici sint, hanc facultatem tribuit *Ant. Fab. in Cod. suo l. 9. t. 29. de fin. 11.* quia dignitatem haberent: Cæteros autem *defin. 9.* utcunque Professores sint, vel aliàs morborum saltem curationibus insistant, neque nobiles esse, neque ullâ claros dignitate; sequendo *gloss. in rubr. C. d. Prof. & Med. autumat.* Unde sequeretur gladii gestandi potestatem eos sibi arrogare haud posse. Sed tutius est ab hujus sententia recedere per l. 1. §. 1. d. var. & extra ord. cognit. l. 6. & tot. tit. *C. de Profess. & Med. conf. Cephal. 1. Consil. 117. n. 23. Roland. à Vall. 3. Consil. 67. n. 8. Simanc. lib. 1. de Republ. cap. 10. & Simbald. Ubald. de Nobilit. axiom. § 1. & duob. seqq.*

Th. XXVI.

Philosophos quod attinet, isti, cum pallium olim imprimis apud Græcos, proprium ipsorum schema fuerit. *Autor Mantissa ad Tertull. d. pall. p. 145. & 149.* gestationem gladiorum, ut contemptores honorum & ab his rebus alieni, l. 6. §. 7. & 8. d. d. excus. Tut. l. 1. in f. *C. d. Profess. & Med. non affectant, cum desiderium hoc ab eorum professione discrepat,*

pat, l. 6. C. d. muner. patrim. l. 1. §. 4. d. var. & Extraord. cognit. l. 2. §. 4. d. vocat. muner. Neque Poetæ quâdam prærogativâ gaudent, l. 3. C. d. Prof. & Med. quam l. 3. tamen *Mundus* non de Poetis artem facientibus aut profitentibus, uti inscriptio requirit; se versificatoribus & Ludionibus explicat, in præfat. tr. d. Comitib. Palat. De quibus Satyricus ille Gallo-
rum ingeniosissimè nequam dicit. C'est un grand avantage pour la Poësie, que d'être fou. Unde rectius forsitan, *Arumæus* tr. de Comitib. c. 6. n. 75. leniorem ex ipsis textûs expositionem afferre sustinet, putatque Poetas egregios ab omni planè immunitate non excludi, sed à prærogativâ saltem, quam ipsi, favore atque suffragiis aulae freti, præ cæteris etiam in privilegiis immunitatem affectabant.

Francio l.
6. p. 432.

Th. XXVII.

Ob togatam virtutem in dignitate quâdam constitutos denique excipiunt, studiosi per gradus ad honorum fastigia tendentes, qui aut veterani sunt, aut recentiores; Illi vel adhuc in castris Musarum degunt, vel extra pomæria Academicarum versantur. Qui in Academiis adhuc commorantur, iussibus Rectoris Magnifici meritò obsequuntur. v. *Limn. l. 2. I. P. c. 6. n. 105.* Quare si ab ipso ex Senatûs Academici consilio gestatio gladiatorum interdicitur; abstinere ab iisdem omninò fas est, nisi speciale Superioris Magistratûs indultum ab ejusmodi prohibitione liberaverit: Si verò nihil reperiatur interdictum, tacitâ consuetudine gladiatorum gestatio invalescere potest, *Coll. Arg. ad L. Iul. de vi publ. thes. 3. conf. Limn. d. l. n. 92.* Cæterum, utut in aliqua Academia prohibita sit gladiatorum gestatio, primi tamen dies, quibus aliquis de loci opportunitate circumspicit, vel de mansionē deliberat, non computari solent, quia adhuc pro itinere faciente habetur, v. *Voss. l. 2. de vit. ferm. c. 11. p. 107.* Quin & nocturno facilius gestatio illa toleratur tempore, cum ob fortuitos potiùs casus, quàm ex contumacia præsumatur, l. 10. & l. pen. §. ult. D. ad L. Iul. de vi publ. adeò ut exinde defendi aliquatenus posse videatur mos quarundam Academicarum, ubi diurnæ digladiationes præcedente mutuâ

provocatione ante urbium portas factæ severius puniuntur, quàm nocturnæ, cum istæ ex proposito malo hæc fortuito accidant. Neque obstat, quod nocturna aliàs delicta diurnis atrociora habeantur, quia h. l. non de adjuncto delicti jam constituti, sed de delicto formaliter constituendo sermo est.

Th. XXVIII.

Viventibus extra Academiam Veteranis gladios gerere, permissum, nisi statutum loci cives omnes inermes esse præcipiat : quod itidem intelligendum, si domicilium figant. Quod si verò hoc non constituerint, pacatè decenterque viventes, ut florentissimi honorum Alumni, ab hoc auctoramento honoris non arcentur, *arg. l. 5. §. ult. de Capt. & postlimin. revers.* ibique *Lucas de penna l. 2. C. de privil. schol.* Unde & statutis locorum nonnullibi æquè ac Doctoribus gladio incedere licet studiosis, si visitandorum amicorum aut negotiorum causâ in patriam revertantur. Quod tamen à *Luc. de Pen. d. l.* ita limitatur, si non otiosi in patria vel alibi circumvagantur per *l. 35. ibi dum domi sit, & l. 38. §. 1. ex quib. caus. maj. 25. ann.* Et pacatè se gerant, quod indubio, facturi præsumuntur, *arg. Cap. ult. x. de præsumpt. l. f. C. ad L. lul. repetund.* Iis verò, qui per quinquennium ab Academicis abfuere hæc facultas denegari solet ; quod studiosorum privilegia post hoc tempus expirent, *l. 2. C. de primicer. vers. qui vero per quinquennium &c. l. 3. C. de domest. & protest. conf. Bald. ad Auth. habita n. 25. ibique Cupener. Rebuff. privil. 33.* Quamvis enim citati textus de studiosis non nominatim loquantur, uti *Hunn. tr. de privil. stud. quest. ult. p. 175.* opponit; argumentum tamen à Palatina militia ad reliquam literaturam in hac quoque absentia materiâ ducitur rectissimè. *l. ult. C. de Advoc. 2. junctâ l. 2. C. de comiteatu.* Nisi tamen ejusmodi absentes dignitas & vera eruditio ita recommendet ; ut Doctorales etiam honores mereri videantur atque ita mox cingendi pro jam cinctis hac in parte habere possint. Aut nisi se studiorum gratia peregrinatos fuisse probent, vel quinquennio elapso nomen suum matriculæ de novo inferi petierint, *Cotbman. resp. Acad. 14. n. 23. & Rebuff. de privil. Schol. 147. n. 5.*

Th.

Th. XXIX.

Possset tandem in materia horum privilegiorum de nuntiis & famulis studioforum aliquid subungi; Sed temporis ratio festinandum jubet, præsertim, cum aliud sit in privilegiis, quæ dignitatem, aliudque in iis, quæ securitatem respiciunt, ut in his, non item in illis. servi dominorum beneficiis fruantur, v. *Humm. d. tr. de privil. stud. c. 2. quæst. 8.* Ideò illa tantum, adijcere satis erit, hujusmodi hominum genere *Bernegg. qq. misc. ad Germ. Tac. q. 66.* scribit: Minus probandum illud videtur, quod hodiè nonnunquam cernimus, pænè pueros accingi gladio, quorum quidem lateri s. mavis tergori fascies illi sed sine securibus, multò hærerent aptius.

Th. XXX.

Confideratis, qui vel potestatis vel dignitatis causâ Ensisferi dici possunt, succedunt jam, qui necessitate muneris tales sunt. Nempe milites in genere tam eminentiores, ut variorum ordinum Equites & Præfecti militum, quàm inferiores, *Nov. 17. c. ult. conf. Dan. Ott. Jur. publ. c. 19.* Hoc etenim sine Romani quondam milites cingi consueverunt, l. 25. l. 38. l. 43. ibique *Godofr. D. de Test. mil.* Zonâ videlicet appenso ense, *Briffon. 2. antiquit. 7. Bocér. l. 1. de lure bell. c. 11. n. 5. Duar. ad T. π. de Test. milit. c. 5. Viglius in rubr. Inst. de Test. mil. n. 18. Connan. 9. comment. 5. n. 2.* quo intendebatur, non nisi eum membris gladios amittendos esse; ut Cicero de suo tempore prædicat. 2. *Tusculan.* cum amissus ad Dominum postliminio non revertatur ob turpitudinem amissionis, l. 2. §. 2. π. de captiv. & postlim. revers. Hinc gladius militis non tantum non pignori capi, arg. l. 14. D. de remilit. Gl. in l. 125. D. de V. S. Coll. Arg. ad T. π. quæ res pign. tb. 2. n. 12. Neque à creditoribus in executione invadi potest, l. 6. pr. D. de re judic. quia ipsis ut scholaribus libri & Clericis breviarium, relinqui debet, *Coler. de process. execut. part. 2. c. 3. n. 134.* Sed & ipse gladium alienans gravissimo criminis supplicio desertori exzquatur, l. 14. §. 1. D. de remilitari. *Luc. de Penna in vabr. Tit. C. de fabriciens. conf. Caroli à Mansfeld. Magisterium militare tr. 2. part. 2. c. 3. p. 169.* Caterum facultas ferendi gladii

cum aliis juriſſibus ac privilegiis militibus tantum, quamdiu in caſtris degunt ac pugnant; non verò ſi extra militiam conſtituti ſint, conceſſa videntur, *arg. l. 8. D. de excuſ. Tutor. ſ. 3. Inſtit. de milit. Teſtam. l. pen. D. eod. l. f. C. de reſtitut. milit. Quamvis Tiraq. de Nobilit. c. 20. n. 68. § 72. emeritis militibus gladii, geſtationem concedat, quod de Præſectis fortè, & quos eximia dignitas, poſt expletos militiz ſudores, manet, intelligendum erit.*

Th. XXXI.

Quæ autem de militibus dicuntur in ſpecie ita dictis, ad Vaſallos quoque pertinent, 2. *Feud. 21. Quorum loco quondam fuerunt Nobiles, quibus ideò Feuda data ſunt, Beſold. l. 1. Polit. c. 7. th. 3. adeò ut (ſecus ac hodiè, ubi ſæmina quoque Feuda, quorum exempla ap. Myler. de Princip. § Stat. Imp. c. 24. extant, dantur, 1. Feud. 8.) nemo feudum accipere potuerit, niſi militiz fuerit capax, ſicut ex Reuſn. diſp. 3. th. 92. oſtendit Magnif. DN. Petr. Mullerus comment. de Osculo S. c. 4. n. 40. ubi in ſequentibus quoque de osculando à Vaſallis gladii cono pulcherrimè diſſeritur. Indeque Nobiles, qui ſunt, antiquitus milites, nunc etiam Equites, ab equeſtri ſermè, cui obnoxii ſunt, militiâ appellantur, Crom. de Reb. Pol. l. 1. Præter milites tamen ad gladios geſtandos officii neceſſitate adſtringuntur quoque miniſtri Magiſtratum, quibus hi tam ad ſecuritatem, quàm executionem utuntur. v. Keckerman. diſp. 34. quæſt. 5. Farinac. crim. quæſt. 108. n. 99. ſeqq. Bodin. de Rep. l. 4. c. 1. Clapmar. de arcan. Rerump. l. 3. c. 14. & Socin. reg. 7. allegans l. arma ad ſalutem. ſ. f. D. de off. præſ. vigil. ubi Bald. hanc materiam tractat, quæ tamen eſt l. nam ſalutem 3. ſ. 3. D. d. t.*

Th. XXXII.

Ultra hætenus reſenſitos quibusdam aliis inſuper poteſtas gladii gerendi permittitur ob neceſſitatem publicam, ex conſtitutione Imp. Theodoſ. & Valent. in lib. Novell. Imp. Theod. tit. 20. p. 545. Quin poſt venationem & iter tam maritimum quàm terreſtre geſtanti gladium excuſationem præſtat, l. 1. D. ad L. Jul. de vi publ. Pet. à Plaza in epitom. delictorum, l. 1. c. 8.

n. 13. *Andr. Sicul. in tr. de Card. leg. à latere in 5. q. n. 18. vers. solet tamen.* quod quando ad Mercatores trahitur & eos negotiandi causa provinciam pertransientes gladios suos sellæ alligare super vehiculum ponere posse, dicitur 2. *Feud. 27. §. 5.* non quasi arma ligata, quæ adversus repentinos insultui non tam facile expediri possent, gestare debeant, sed ita intelligendum putat *Menoch. de Arbitr. l. 2. Cent. 4. cas. 394. n. 65. seq.* quod si equis vehantur, possint gladios ephippiis annectere, aut si vehiculis utantur, in illa eosdem reponere atque pro necessitatis ratione in hostes ac prædones commodè vertere.

Th. XXXIII.

Ense considerato, illisque expositis, qui ejus jus concedunt, *Forma.* eoque ipsi utuntur; formalis ratio efflagitat, ut videamus, quomodo gladii usus, concedi eodemque postea quis rectè uti debeat. Et in priori quidem DD. communiter autumant, expressam opus esse concessionem, neque sufficere si id Princeps sciat. Dum nituntur *l. un. C. armorum usus*, ubi Impp. expressè asserant; nobis insciis ac inconsultis &c. Ex quo infertur: Si requiritur consilium Principis, expectanda responsio, quæ tam negativa, quàm affirmativa esse potest. Utut verò hæc assertio Juri Civ. non sit dissentanea, moribus tamen hodiernis non respondet, cum contraria consuetudine gladii gestatio variis in locis recepta sit: adeoque gladii usus vel expressè vel tacitè concedatur. Et quidem expressè ab eo, qui conferendi potestatem habet. v. *Magerus de Advocat. armatâ. c. n. 591. §. n. 626.*

Th. XXXIV.

Modi autem expressæ hujus concessionis tam varii sunt ut annumerari iis quoque possit ea cingendi ratio, quâ Equites quondam finito prælio, qui strenue se gesserant, fiebant à Principe vel ejus legato. *Vincent. Lucanus de Magistr. §. præfæ. Francor. lib. 1.* qui hodiè potissimum post coronationes Regum creantur, percussis evaginato gladio leviter eorum humeris, *Dan. Otto d. 1. P. c. 10.* confer de Rege Poloniz *Cromer. lib. 1. Polon.* ubi hæc verba reperiuntur: Deinde (post corona-

ronationis solennia) versus 4. mundi plagas Rex gladium vibrat, rursusque residens ejus contactu sive leni ictu inter scapulas cujusque Nobiles Equitesve auratos creat, quod perinde est, ac si baltheo militari donet. Tale quid & in regno Hungariæ, Angliæ aliisque observatur, v. *Thom. Smith. l. 1. de Reg. Angl. c. 17.*

Th. XXXV.

Evidentiùs huc pertinet mos ille Principum atque Nobilium, quo ministris suis perfectæ ætatis robur adeptis impacto colapho his verbis: *Das leide von mir und von keinem andern* donato gladio, jus illum gerendi conferunt, *Besold. Thes. pract. in voce Wehrhafft machen / Schönborn Polit. 6. 13. Res. Antiq. Rom. 1. 20. conf. Nolden. de stat. nobil. 6. n. 73.* qui hoc non nihil antiquam manumissionem (de qua vid. *Heslenb. parat. D. de manumiss. n. 2. & DD. ad §. 6. l. quib. mod. patr. pot. solv.*) sapere existimat. Cæterum inpingendo colaphum significant puerilibus nugis nunc finem esse impositum eosque ex priori potestate dimissos. Nec incommodè eò refertur ritus Germanorum ab antiquis ap. *Tac. de morib. Germ. c. 13.* (ubi *Lips. & Bernegg. v.*) & *P. Pythæum adversar. subjeciv. c. 1.* desumptus, quando Nobilibus Germ. jus gladii conceditur, in quo alapa non minus quàm in veteri emancipatione, (cujus ratio in *Lult. C. de emancip. ibique in not. Godofr. & Nov. 81.* itidemque ap. *Isidor. l. 9. c. 4. & Dracon. de patric. c. 5. n. 57.* habetur) intervenire solet,

Th. XXXVI.

Illà verò præcæteris expressa concessio dici potest, quando edicto publ. vel præconis voce gladii civibus indicuntur, sicut de Helvetiis *Bodinus* recenset p. 141. conf. *Machiavell. Princ. c. 20. v. nunquam.* & *A. Matthæi ad l. 48. D. t. 4. c. 4. de vi publ. & priv. n. 1. p. 510. f.* vel alicui ex speciali Superioris gratia ac privilegio contra commune interdictum hoc jus permittitur, ut secundum nonnullorum opinionem videtur in *l. f. C. de præpos. Sacr. Cubic.*

Th. XXXVII.

Tacitam gladiatorum concessionem quod attinet, sit illa per usum

usum eorum, qui non discretè prohibentur, *arg. Novell. 89. c. 15. l. 37. & seqq. D. de LL. Colleg. Argent. ad L. lul. de vi publ. lib. 3. n. 4.* Cui insuper accedit patientia superioris, *Trentl. 1. disp. 1. th. 9. l. D.* quia ejusmodi consuetudo expresso statuto xquipollet, *Gravett. consil. 137. n. 233. & Consil. 241. n. 7. Curt. tr. feud. quest. 3. n. 5. per l. 32. D. de LL. ibique gl. & DD.*

Th. XXXVIII.

Ex hæcenus dictis facillimè potest deduci, cujus gratia gladii gestentur ac permittantur; ob necessitatem nempe & securitatem. Necessitas est vel publica, ubi, cum Hannibal ad portas est, omnibus indistinctè civibus tutandæ salutis publ. ergò exhibentur gladii, *vid. Joach. Scheplitz. ad consuetud. Brand. part. 3. tit. 26. n. 5. seqq.* vel privata, uti subeundi muneris gratia singuli gladiis instruuntur. Ad securitatem spectat peregrinantium justus metus, qui gladii præsidio avertitur, *Harprecht ad §. 1. de publ. judic. n. 8.* Imò & dignitas finis in personis honoratioribus est. Unde de Turcis narrat *Busbequius*, quod sinistrum locum, ideò quia gladius eum honestet, digniorem habeant, *Epist. Turc. 1. p. 29.* quod & Cyri quondam apud Persas judicium fuit, *Xenoph. l. 8. Cyropæd. & ex eo Brissou. de Regn. Pers. l. 1. p. 73.* Sed Europæi dextram latus ob libertatem spreta gladii existimatione dignius faciunt, *Chassan. part. 1. consid. 11. p. 5. Nolden. de stat. Nobil. 10. n. 81. Buxtorff. ad c. 3. A. B. lib. 40.*

Th. XXXIX.

Paucis non minus tangendum, quod jure gestantes gladium multis incommodis eximantur, quibus isti subjacent, qui eundem contra prohibitionem sumunt, cum in his quibus jure competit ensis doli mali suspicio cesset, *arg. l. 1. §. ult. D. ad L. lul. de vi publ.* Etiam si in loco illicito gestent, quia præsumptio Juris nihilominus pro iis pugnat. Quamobrem hujusmodi notoriè privilegiatus non modo ministris qui cum aggredientes discingere volunt, de facto resistere potest, præcipue si sine speciali Magistratû mandato id fiat, *decian. l. 8. c. 3. n. fin.* sed & ipse Judex, qui tale quid jussit, conveniri injuriarum ab eodem posse videtur, *arg. l. 33. D. de injur. & famos. libell.*

D

quia

quia non secundum bonos mores hoc fit, qui tamen in d. l. à
 Iudice requiruntur. conf. l. 13. §. 2. *§ 6. Eod. & Wesenb. de
 injuriis n. 5.* adeò, ut apparitor quoque qui aliquem hujus ordi-
 nis discinxit, de vi conveniri possit, juxta *Anton. Fabr. in C.
 suo ad L. Iul. de vi publ. § priv. defin. un. & Molina d. 4. disput.
 15. n. 2.* confer. insuper *Bart. in l. 5. C. de jure fisci. & in l. 6. C.
 de Profess. § Med.* ut & *Decian. d. l. n. 53.*

Th. XL.

Contraria.

Cum contraria, ut notissimum, juxta se posita clariùs elu-
 cescant, coronidis loco etiam de contrariis quædam subne-
 ctenda erunt. Repugnant autem primò juri gestandi gla-
 dii statuta prohibitoria, quæ absque dubio obligant subditos,
 nisi superior aut universitas atque consuetudo inveterata,
 (quæ statuto potentior illa filere jubet, *Menoch. de A. I. Q.
 cas. 25. n. 49.*) cuidam hanc facultatem concesserit, tunc enim
 speciali inferiorum statuto vix quicquam derogari pote-
 rit, *Socinus & alii Tom. 1. Regul. Jur. p. 97.* præprimis, quo-
 niam privilegia ob bene merita in aliquem collata ne qui-
 dem à Superioribus absque prægnanti & magnâ causâ re-
 vocari possint, *Enenkel. l. 2. de privil. c. 6. § l. 3. c. 7.
 § 9. Quetta Consil. 13.* Sed & torenses sive extranei obligan-
 tur statutis, uti communiter probant *DD. ad l. 9. D. I. § 1. &
 Alber. de Rosat. l. 1. quest. 7. de statut.* quia subditi tempora-
 les sunt. conf. *Strauch. disp. de statut. à summo Princ. tb. 55.* Ut-
 ut enim privilegia difficulter auferantur, & multò laudabilius
 sit ea concedere, quàm concessa denuò adimere, juxta illa quæ
Comring. habet in *disp. de privil.* nihilominus tamen id fieri
 posse suadente salute publicâ vix ambigendum. Cum in-
 teresse, ut barbarâ voce utar, Reip. variet & restringat jus pri-
 vatorum, arg. §. ult. l. de his qui sui vel alien. jur. sunt. Quam-
 vis omninò diffitendum non sit, cautius procedendum cum
 iis esse, qui verè incolæ non sunt, l. 3. C. de incol. l. 3. C. qui dari
 tut. possunt. conf. *Alderan. Mascard. de gener. stat. interpr. con-
 clus. 6. n. 1. seq.*

Th. XLI.

Deinde gladii gestandi jus extinguitur amissione digni-
tum ac functionum, quas quis sustinuit. Ita ob perpetratum
delictum Nobiles atque Doctores cingulo privari indicat,
Reinking. l. 3. class. 2. c. 2. n. 11. Quod & de illis dicendum,
quibus ex certa ratione fuit concessum. Sublatâ enim causâ
tollitur effectus, nimirum si sit finalis, non verò si impulsiva,
juxta *gloss. ad §. 1. l. 1. D. de postul.* Quin imò abusus quoque li-
centiæ tollit usum, ut si quis licitè enssem ferens, eodem abu-
tatur per regulam, quâ ille privilegium perdit, qui concessâ
sibi abutitur potestate, *l. 9. C. de judic. Hippol. de Marfil. in pract.
crim. §. pro complemento n. 9.*

Th. XLII.

Sexui præterea sequiori gestatio gladiatorum contraria est.
Licet enim non adeò mollis aut debilis à natura effectus sit,
quin procacissimæ aliquando cujusvis armorum generis af-
fectionationis exempla atque sic vel fortitudinis, vel audaciæ si-
milacra ediderit. v. *Just. de Amazonibus lib. 2. c. 4. & de
Spartanorum uxoribus l. 25. c. 4. Flor. l. 3. c. 3. de mulieri-
bus Cymbricis, Diol. 61. & Tac. de mor. Germ. l. 3. de sæmi-
nis Germanis l. 10. hist. de Agriensibus in Hungaria, Natal.
Com. l. 6. de Senens. Famia Strada decad. 2. l. 2. Bell. Belg. p. 70.
de Trajectensibus & dec. 1. l. 7. p. 424. de Harmelensibus &c.*
illa tamen non, nisi in extremo necessitatis casu excusationem
inveniunt, & summum probant, quod defensio eis etiam ar-
mata manu concessa, non quod gestatio licita, & si hæc etiam
quibusdam non inconveniens visa sit, illud tamen imitan-
dum, quod cultioribus honestum & decorum est, non, quod
una atque altera gens approbat. Nam omnino remotum est
à pudore sexus, mulieres gladios gerere & virilibus officiis
jungi. *arg. l. 1. C. quand. mul. tut. off. §. l. 2. de R. I. uxoresque
à viris, non viros ab uxoribus defendi æquum est, §. 2. I.
de Injur.*

Th. XLIII.

Neque magis conveniens gladius est conditioni vitæ eo-
rum, qui divinis mancipati officiis sunt, *l. §. 3. §. 1. C. de Episc. &
Cler.*

Cler. Cum ipsos non modo ab omni strepitu cessare deceat, *Lancelot. l. 1. Instit. iur. can. t. 49. Cujac. ad rubr. x. de vita & honest. Cler.* sed etiam ab omni gladiorum usu exclusos probet, *C. si quis dist. 36. d. l. 53. §. 1.* adeò, ut gladios gestantes irregulares efficiantur & excommunicentur, *C. Clerici 2. x. de vit. & honest. Cler.* Unde Judex Laicus eisdem gladios auferre potest, nec unquam restituere tenetur, *Carol. de Grassis de effect. Cler. effect. 1. n. 862.* Quod in Gallia l. c. in Italia & imprimis in regno Neapolitano, *Ricc. Dec. Neapol. 48. 93. 209.* Hispaniâ, *Covarruv. quest. pract. 33. resolut. ult.* & Ducatu Mediolanensi hodiernum observatur, *Chassan. super Consuetud. Burgund. n. 79. Sc. conf. Jul. Clar. l. 5. recept. sent. §. ult. quest. 36. n. 26.* Quin interficiens ejusmodi armatum Clericum ad curiam non mittitur, *c. 23. x. de sentent. excomm.* quia divinorum ministrorum arma preces & lacrymæ sunt, *c. 23. q. 8.* militantesque Deo secularibus sese negotiis immiscere nequeunt *Molina de brachio Reg. c. 18. n. 42.* Quamobrem Vasalli, quoque eo ipso, quod Religionis votum assumunt, gladios deponere coguntur, nec eos unquam facillè recipiunt, *2. Feud. 21. §. 109.* Cum tamen defensio contra injuriam & vim naturaliter cuilibet sine omni penitus exceptione concessa sit, *l. 3. D. I. §. 1. l. 45. §. 4. D. ad L. Jul. idcirco hic quoque summus necessitatis casus iterum videtur exceptus, ut Clerici non modo per loca periculosa transeunt gladios ferre, ut probatur c. dilecto. ibique gloss. de sentent. excomm. in 6. & in specie tenet Anton. de But. in c. Clerici de vita & honest. Cler. quem sequitur Soc. in Regula 30. in 6. fallen. hinc illud Poetæ:*

*Et latro & cautus præcingitur ense viator.
Ille sed insidias, hic sibi portat opem.*

Sed etiam contra vim tum patriæ tum sibi illatam gladiis aliisque armis se defendere, *c. 6. de sent. excomm. in 6. ubi gloss. & DD. Menoch. de A. I. Q. cas. 394. n. 58.* & inter sacra vim extremam intentantem interficere, protinusve cœpta sacra citra ullam irregularitatem absolvere possint, *Zoannet. part. 1. tripart. defens. n. 12. §. 13.* Quod ita tamen accipiendum, si in

si in actu defensionis gladios aliunde apprehenderint, secus si ipsi tulerint, eosque postea in actu defensionis usurpaverint, quia tunc de rixa ac bello cogitasse videntur, *Aloys. Riccius dec. Cur. Archiepisc. Neapol. 48. fin.*

Th. XLIV.

Arcentur præterea à gladiatorum gestatione nominatim Mercatores, l. *un. c. negotiatores ne militent. 2. Feud. 27. §. 5.* quoniam mercatura dignitati officere ejusque exercitium nobilitati contrarium videtur, l. *31. C. de locat. l. 1. C. de natural. liber. l. 3. C. de commerciis. ibique Comment. conf. quæ præter Bodin. 3. de Rep. 8. de mercatura plebejis relinquenda asserunt, Kirchner. disp. de Rep. 13. th. 1. P. Gregor. 4. de Rep. 7. n. 5. Mynsing. 6. observ. 54. vel saltem quia generali legis prohibitionem mercatores continentur neque in numero exceptorum, (sive dignitatis rationem sive muneris necessitatem respiciamus) reperiuntur; adeo ut in ipso quoque itinere Imper. Fridericus I. iis gladios tantum sellæ alligare, vel super vehiculum ponere, non verò accingere permittat, d. *§. 5. 2. Feud. 27.* Sed tamen de cætero, sicut aliàs in æstimatione dignitatis vis consuetudinis attenditur maximè *Guilielm. de mont. ferrat. tr. de success. reg. dub. 1. n. 26. Gutierrez. 4. practicabil. quæst. 16. n. 137.* Sic etiam hic non omnino spernenda est, *Coll. arg. Tit. de exercit. ast. th. 4.* Ex quibus patet, quod de reliquis opificariis minus dubium sit, quin à gestatione gladiatorum Jure Civ. arceantur, maximè si alicubi locorum ut dignitatis insignæ habeantur, l. *6. C. de dignit.**

Th. XLV.

Hinc tantò magis ab isto honoris augmentamento excluduntur non modo famosâ sententiâ damnati ob vitæ scelus ac turpitudinem, l. *2. C. d. Tit. & bajuli, cerdones alique abjectissimæ conditionis homines, l. f. C. ad L. Jul. de vi publ.* Sed & jam Judæi omnium honorum atque dignitatum incapaces, l. *ult. pr. C. de Judæis*, (qui pro gladiis clavum s. annulum flavum gestare debent, *Ordinat. Polit. de A. 1530. tit. von Juden-Kleidung* / & Hæretici l. *1. l. 4. l. 7. Spassim C. de Hæret.* Quibus adjunguntur denique peregrini, qui incapacitate

publicorum & civilium jurium gladios in Rep. portare prohibentur, v. *Godofr. ad l. 1. C. de hered. instit. Bodin. 1. de Rep. §. n. 47.* nisi quatenus Legationis, aliove munere cum dignitate conjuncto in ea funguntur.

Th. XLVI.

Sicut autem contrarietas in personis, ita nec minus illa in locis tam sacris, quam profanis reperitur. Intra templorum enim ac Monasteriorum septa gladios gestare sine Præposito- rum licentia nemini licet, *Clement. 1. §. quia verò. vers. præfata.* & ibi *Cardinal. de stat. monach.* quod à supremi Numinis altaribus ac templis ad areas quoque, porticus, domos, cellulas hortulos & balnea, *l. 3. §. 1. C. de his qui ad Eccles. confug.* ibiq; *Godofr. verbos. in cellulis &c.* extenditur. Sed nostris tamen moribus in Germania non solum gladiis accinctis (præterquam, quod eosdem religiosiores & civiliores ad sacram Synaxin & susceptionem infantum è sacro lavacro accessuri deponunt) sacra frequentare licet sed & in pluribus Imperialibus Civitatibus omnes ciyes gladiis instructi sub pœna (sicut Argentorati mense Octobri 1643. factum) concionibus interesse coguntur, ut ad quoslibet casus subitos prompti inveniuntur, v. *Rittershus. de jure asyl. c. 7. n. §. p. 106.* maximè si motus aliqui in provincia existant aut metuantur, vel hostilis exercitus oberret. Cæterum notatu dignum est, quod in *A. B. c. 2. §. 1.* à Serenissimis Electoribus Secularibus requiritur, ut Electione Rom. Regis Francofurti in templo D. Bartholomæi omnes cum tota familiâ tempore præstandi juramenti inermes coram altari consistunt. Quod an religioni detur, an securitati? an utrique? an libertati ferendorum, suffragiorum? incertum est, cum commentatores locum istum sine ulteriori disquisitione prætermittant. Quod & Limæus, quia præ cæteris aliàs diffusissimus est facit, *l. 2. c. 3. n. 41.* ubi Electionis ceremonias exhibet. Illud verò certum est, istud pessimi exempli prælium in Ecclesia, Goslariensi inter Hildesienfis Episcopi & Fuldenfis Abbatis ministros armatâ manu cum multorum cæde A. 1063. commissum

missum *Claver. in Heinrico IV. p. 504. Godofred. part. 6. Hist. Chronol. p. 549.* Sequentibus Imp. cautelam hanc non immeritò suadere potuisse.

Th. XLVII.

Ex locis profanis; gladii inferendi non sunt Palatio Principis, arg. *Tit. C. de palat. & domib. domin. Laudens. tr. de princ. privil. 632. l. 2. Feud. 27. Angelus in l. 9. D. de vi publ. conf. Dio in Claudio, Xiphilin. in Nerone Tac. 4. Ann. 21. 11. Ann. 22. & 15. Ann. 32.* Sed ejusmodi tamen consuetudinem omisit Vespasianus, *Suet. Vit. Vespas. c. 12. f.* nec dum hodie Aula Imp. scrupulosè urget. v. *Autor Statús Regim. Imp. c. 8. 64.* Licet in aliis Aulis, ubi neque Supremi Numinis in his terris Vicarii à mucronibus monstrorum sceleratissimorum satis tuti sunt, etiamnum observetur sollicitè. conf. *Vincent. Lupan. de Magistr. Francor. l. 1. Tit. de Rege Ribaldorum & Præposito hospitii. Olear. in der neuert Moscauischen Persifischen Reise: Beschreibung de Magno Muscovia Duce, p. 27. Adam Wenner im andern Theil Constantinop. Reise de Tyranno Turcico p. 56. & Hubert. Thomam. de Senatu Veneto. l. 7. annal. Friderici II. Palat. 143.* Cæterum an stante jure, ne Ensem gestare liceat, in Palatio Principis, hoc & absente Principe sit intelligendum? contra negantem *Petr. Plazam. l. 1. epit. delict. c. 8. asserit. Menoch. de A. l. Q. cas. 394. n. 40. Decianus verò tr. Crimin. lib. 8. c. 3. n. 61.* distinguit: An de palatio statutum demonstrativè, ut potestatis Palatium, vel conditionaliter, si aderit potestas, loquatur, istoque casu, ne absente quidem potestate, gladios inferre licitum esse, hoc verò, absente potestate, neminem pœnæ obnoxium fieri judicat. conf. *Tiraq. de Nobil. c. 20. n. 65.* qui simul adducit doctrin. *Bar. in l. 2. f. D. de auro & argent. leg. & sequi dicit Jaf. in l. ejus, qui in provincia, in ultima col. D. si cert. pet. & sequitur etiam Plaza l. c. n. 25.*

Th. XLVIII.

Deinde Prætoria seu Curia, quia ut à reliquis affectibus, ita etiam à metu immunes esse debent, l. 3. *C. de metat. & epidemet.* gladios non admittunt. De Magistratu enim vel Senatoribus ira disposuit *Theodos. Imp. in Codice Theodos. l. 14. tit.*

tit. 10. l. 1. ne ullus eorum habitum sibi militarem vindicaret, sed deposito chlamydem terrore, quæta collobiorum & penularum indueret vestimenta &c. Quamvis ista non tam speciatim ad Prætoriam, sed ad totam Urbem Rom. spectat. Horsum sanè afferri potest illud *Taciti l. 6. annal. c. 1.* ubi cum Togonius Gallus Tiberium Imp. rogaret, ut Senatores deligeret, quorum viginti sorte ducti salutis ipsius tuendæ gratiâ ferro accingerentur, respondit ille: Quam deinde speciem fore sumentium in limine Curia gladios? Nec minus, quod *Livius lib. 8. c. 5.* recenset, cum L. Setius Latinorum Legatus à Romanis petere auderet, ut alter Consul è Latio eligeretur, T. Manlium Romanorum Cos. adeò irâ exarsisse, ut jurârit; Si tanta dementia Patres Conscriptos cepisset, ut à Setio leges acciperent, gladio cinctum se venturum & quemcunque in Curia Latinum vidisset suâ manu interfec-turum: quæque his similia sunt. Hodie tamen, in pacatis Rebusp. quia mutuz oppressionis ac violentiz metus cessat, omnino non ipsi Magistratus tantum, sed honoratiores etiam miniistri, itidemque illi, qui non dignitatis sed custodiæ ergo, adsunt, in Curia gladios gestare solent. Quantum nunc ad subditos, ne militi quidem ad Palatium (i. e. forum judiciale vel curiam, *arg. l. 2. Feud. c. 46. An apud Curiam Domini vel judicem &c.*) gladium ferre licet, ex constitutione Friderici Imp. 2. *Feud. 27. §. 5. f.* Imò ne nobili quidem *Tirraquell. n. 73.* Sicut receptum in judicio Equestri Silesiaco, im Schlesiſchen Ritter-Recht und Ehren-Gericht/ apud *Volckmannum* ut antequam quis admittatur, Ehe er vor die Ritter-Banc vortritt/deponere gladium necesse sit. v. *Georg. Wentzki vom Schlesiſchen Ritter-Rath und Ehren-Gericht/p. 37.* Neque huic dissimile est, quod *Decianus d. l. ex Tirraq. modo citati c. 20. n. 74.* de Veneris dicit, illos non concedere, ut quisquam etiamsi miles sit, vel quacunque dignitate præcellat, in Collegio Principis vel Aulâ, ubi Senatus convenit, gladium gestet, sed eum extra portam deponendum esse. conf. de Mediolanensium constitutione *Menoch. de A. I. Q. d. cas. 394. n. 38.* Et de ritu ponendi apud Magistratum ferri, *Lips. in Elef. cap.*

cap. de Lictoribus. Exterorum tamen alia causa esse videtur, ad quorum dignitatem sine dubio respiciendum est, praesertim quia locorum consuetudines variant. An verò tanto honore, ut gladiis accincti coram Magistratu appareant, prosequendi sint, vel non, docet *Marselaer lib. 2. legati dissert. 12.* Ceterum cum in his locis Ensem ferre non liceat, multò minus stringere eundem vel nudare impunè erit. v. *Carpz. part. 1. quest. Crim. 40. n. 30. & Besold. thes. pract. in voce Burgfriede. vers. interdum.*

Th. XLIX.

Detrectant insuper Conventus & Comitia publica gladio-
rum gestationem. v. omninò *Tiraquell. de Nobil. c. 20.* Ne-
que ignota est lex illa Charondæ Thuri sine limitatione præ-
scripta; ne quis cum ferro in concionem intraret: Quam-
cum ipse violasset ferro districto incenbuit, *Val. Max. l. 6. c. 5. Exemp. ext. 4.* Quamvis alii factum hoc Zeleuco Locren-
sium, alii Diocli Siracusiorum LLatori ascribant, *Tiraq. l. c. num. 7.* Sic cum in Sigismundi Poloniæ Regis ele-
ctione Zomoiscius aliique renovato ultionum per commo-
ditatem interregni sensu, ne injuriis expositi essent,
quasi militari comitatu ad Comitia Regni venissent, non
absque singulari animorum contentione verborumque
asperitate cum Lituanorum Legatis aliquot dies sunt tra-
ducti: objicientibus illis, se non ad ferale bellum, sed legiti-
ma pacificave novo Regi creando Comitia profectos, pro-
indeque in Senatum Polonum, nisi omnis prius armatura de-
posita esset, venire detrectantibus, *Thum. l. 88. histor.* Atta-
men, quando timetur, ne in congregatione civium, motus
aliquis exoriat subitò, tum comitia quoque & conventus
armati consueverunt indici. Sicut de Germanis quondam
Tac. c. 11. de moribus Germ. & de Gallis Liv. l. 21. c. 20. refe-
runt. Verum enim verò hoc non immeritò Christiana ab-
rogavit posteritas, *Constit. Imp. Pipini l. 2. Leg. Longobard. t. 46. de armis infra pro intra patriam non portandis.* vel ad placi-
tum, *leg. 1. Imp. Pipin. ut nullus ad mallum.* (h. e. ad conventum
generalem, *Voss. l. 2. d. vitis serm. c. 12. p. 24.* vel majus ju-
dicium *Lindenbrog. in indice ad leges antiquas.*)

Denique non in Conviviis tantum gladii, ne calefactis vino cerebris visis inter temulentos cupidinem sui moveant, Tac. i. hist. 80. ibique Lips. in not. 150. deponi consueverunt, sicut de Telemacho Homer. Odys. π. refert & de Atheniensibus Thucydides l. 1. Meurs. p. 2. Exerc. crit. c. 9. nisi quod contrarium à majoribus nostris ap. Tac. de morib. Germ. c. 22. ibique Lips. & Athen. l. 4. legitur, & hodiernum in tabulis Principum observatur, sed & in ipsis quandoque castris usus gladiatorum interdictus cernitur. Tale quid enim præter disciplinam Turcicam, de qua Bodin. l. 4. de Rep. c. ult. p. 487. vers. an Turcarum legibus &c. exhibet Otto Frising. l. 2. de rebus gestis Friderici I. c. 15. conf. Curt. l. 4. c. 13. n. 21. Carol. à Mansfeld, magister. milit. tr. 2. part. 1. c. un. Cæterum, fuerant omnino adhuc dicenda quædam de tempore quia gladios portare in defensionem facilius permittitur noctu, ubi periculum non tam citò cognosci atque caveri potest, quàm interdiu. conf. Tusc. lit. D. concl. 243. n. 8. & sup. th. 27. Sed cum instituti atque temporis ratio plura persequi prohibeat; hic subsistens lampada aliis trado, quibus & Divinum ingenium & limatissimum est iudicium: uberrimâ tamen spe fretus, fore ut B. L. pro bonitate suâ hæc tenuia propitiori dignetur vultu. Summo autem rerum Satori & Arbitro concessâ Divinâ gratiâ aliisque innumerabilibus benefactis suis sit Gloria, Laus, & Honor in sempiterna secula.

ERRATA. In præf. p. 2. l. 17. leg. divini Numinis. th. 3. l. 4. leg. aspiciendus erit. th. 6. l. 6. leg. ad L. Jul. d. adult. th. 9. l. 27. leg. merum Imperium. th. 12. l. 19. leg. fin. th. 13. l. 8. l. exerc. th. 14. l. 22. l. par. l. 23. l. Saxons & pas. th. 15. l. 7. leg. Regem Bohemix. th. 16. l. 7. l. assidet. th. 17. l. 27. l. nec non. th. 20. l. 5. l. imprimé à Paris l'An. l. 9. l. maisons. l. 12. l. le rance. l. 14. l. premiere. l. 18. l. hinc est. th. 14. l. 2. l. illustres & l. 11. l. ignor. th. 16. l. 6. l. discrepet. l. 15. l. d. Comitibus & l. ult. immunitatum. th. 27. l. 17. leg. l. 4. th. 28. l. 27. l. haberi. th. 29. l. 7. l. post erit inf. quæ de in qq. th. 30. l. 11. cum & gladium amittendum. th. 31. l. 4. l. feminea & l. 18. leg. reg. 47. th. 33. l. 6. l. ut armorum & l. ult. leg. c. 6. th. 38. l. 8. leg. §. 8. & l. 15. l. dextrum. th. 39. l. 16. leg. d. tom. 4. th. 40. l. 14. leg. de J. & J. l. 18. ea non l. 24. incolæ. th. 42. l. 8. leg. Thuan. l. 10. th. 43. l. 24. leg. d. J. & J. & ad L. Aquil. th. 46. l. 15. l. inveniantur. l. 19. ut in. l. 22. consistant. th. 48. l. 8. l. spectet. Cætera candida Lectoris Dexteritas ipsa ad rectum fingere non gravabitur.

COROLLARIA.

I.

Juri & Justitiæ non est conveniens ut represalia concedantur.

II.

Pro defensione rerum s. bonorum non æquè ac pro tuendo corpore invasorem occidere licet.

III.

Ad alterius etiam extranei in mortis periculo constituti defensionem suscipiendam tenemur.

IV.

Filius emancipatus in patris testamento testis esse potest.

V.

Infamis Procuratoris officio in judicio fungi nequit.

VI.

Advocati munus nobilitati necquicquam derogat.

VII.

Fœminæ quoque possunt concedere Feudæ.

IIIX.

Qui artibus vilibus utitur, nobilitatem perdit.

IX.

Principi bellum gerenti non licet fortalium vel civitatem, in vicini Principis solo pacato sitam, arcendi periculi causa occupare eique præsidium imponere.

X.

Pœna suspendii in furibus non est injusta.

Ensiferos nobis dum sistis; comprecor, enses
Et Galli & Turcæ frangat ut Omnipotens.

Honoris ergo scrib.

CASPAR SAGITTARIUS, D. P. P.

Acad. h. t. Rector.

Jura ferundi ensis totus nunc ensifer orbis
Consurgens, ductu discit, Amice, tuo.

Grat. app.

JO. SCHILTER.

Unde aliis, cædes, & mille incommoda surgunt,
NICLAIDES laudum præmia ut indè refert?
Næ, sic Vir Sapiens, &, quæ sunt pessima, in usus
Vertere scit doctâ cum ratione suos.

M. Theophilus Colerus,

Superint. Saxo-Jen. Gen. Consist. Duca-
lis Ass. & ad D. Mich. Pastor.

Nunc Tibi conciliat magnas facundia laudes
Et dotes animi prædicat Alma Tui.
Curia Tellaudet, mirentur rostra fluentem
Linguam, & percellant verba diserta reos.
Præmia Diva Themis decernit debita factis,
Pulchræ ut virtutis stent documenta Tux.

f. l. m. q.

Henr. Balth. Roth/ D.

ET, NICLAE, paras celebrare hic Ense potentes,
enses qui summâ dexteritate gerunt?
Gratulor. Insistas cæptis; ac indè favorem
Saxonis Ensiferi, grataque plura precor.

*Nobilissimo Positissimoque Dn. NICOLAI, Amico
pl. colendo, de egregio eruditionis
specimine grat.*

Augustinus Henricus Faschius, D.

Anat. Chir. & Bot. P. P. Arch. Duc. Sax.

Navita

NAvita de ventis , de tauris narrat arator,
Quì gladios rectè gestent ostendis Amice;
Nam Tua jamdudum meruit , quod cingeris ense
Virtus , hæc plures Tibi conciliabit honores.

*Nob. Dn. Autori Fautori ac Amico suo singulari
affettu æstimando grat. appon.*

Joh. Bernhardus Griefe /
Phil. & U. J. D. Præf. Jen.

Fortes ensiferos , quos Martia prælia laudant
Imprimis , tradis , quâ sint ratione capaces.
Hæc ratione paris laudem , decus , ornamentum
Certè insigne TIBI : TIBI lucida Numina profint !

*Nobiliss. Dn. Respondenti , præsentis Dispu-
tationis Authori , Fautori ac Amico
suo honoratiss. gratulatur*

Joh. Christoph. Münch / D. Curiaë
Provincialis ac Illustr. Reg. Sax. Jen.
Adv. Ordin.

Al Nobilissimo, & Eruditissimo

Signor Rispondente , & Autore,
Amico, e Fautor mio honoratissimo.

LO Specchio con l'inscrizione , *cunctis aque fidum* , ci
esprime un'animo leale e sincero ; con l'inscrizione ,
omnibus omnia , dimostra gli affetti d'un cuor generoso ,
benigno , e caritativo ; Col motto , *minima reddit* , rap-
presenta l'idea d'un animo grato : con le parole , *accipit , &
reddit* , ci dà l'idea di chi comunica al Mondo le sue dottri-
ne, esponendo al publico quei lumi, onde il proprio Intelletto
si trova illustrato ; e finalmente lo specchio concavo , che ri-
cevedo lo splendore de' raggi solari tramanda chi are vampe
d'intorno , con la sentenza , *Mostra ne' Lampi altrui la sua chia-
rezza* , è bellissima imagine di quei Signori Autori & Rispon-
denti, che sotto Presidi Eminentissimi disputando, e ricevendo dal
loro

loro presidio autorevole dignità e lustro , fanno comparire e campeggiare in tal occasione la finezza de' loro talenti. Tutti questi Concetti sono stati impressi nell' animo mio, & espressi nella gentilissima Conversatione, ch'ella si compiacque esercitar meco alle volte; e nel presente esercizio; Imperciocchè se in questo ci scuopre i sblendidissimi lumi del suo sublime ingegno, ornato di varie, e solide dottrine, in quella fa vedere come in un tertiissimo, e purissimo specchio un' animo civilissimo, tutto candore, e dedito à gli atti della beneficenza verso ciascuno; Il che havendo io sperimentato in me medesimo; la gratitudine, à lei dovuta, non mi permetteva di celar al Mondo una tal verità, e di non confessarmi per sempre con la presente

Di V. S.

*affettionatissimo, & obligatissimo come anche
prontissimo à servirla*

Carlo Caffa, D. P. P.

Non nisi quem cinxit Virtutis pulchra Corona,
Ense decet cingi: Dicier ore sole.
Qui sint Ensisferi, Tua Dissertatio monstrat:
Ergo, quæis dignus, præmia pulchra feres.

*Brevibus hisce prolixum suum erga Nobilissimum
Dominum Authorem Commensalem suum
honoratissimum contestari voluerunt
affectum*

Excellent. Dn. D. FRISI Præf. Jen.
COMMENSALES,

